

Bosna i Hercegovina
Federacija Bosne i Hercegovine
KANTON SARAJEVO
Ministarstvo unutrašnjih poslova
Uprava policije

Broj: 02-11-4-5213-10

Datum: 21-10-2021

Na osnovu člana 23. stav (3), tačka h) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16, 26/19 i 31/19) i člana 70. stav (1) i (3) Zakona o javnim nabavkama („Službeni glasnik BiH”, broj 39/14), policijski komesar, d o n o s i:

O D L U K U
o izboru najpovoljnijeg ponuđača
„Nabavka policijske opreme (policijske kacige i baterijske lampe)“

I

Na osnovu, Odluke o nabavci, broj 02-11-4-5213-6, od 09.09.2021. godine i Obavještenja o nabavci, broj 16475-1-1-85-3-90/21, od 09.09.2021. godine, proveden je otvoreni postupak „Nabavka policijske opreme (policijske kacige i baterijske lampe“.

II

Prihvata se preporuka Komisije za provođenje postupaka javne nabavke policijske opreme za pripadnike voda za sprečavanje narušavanja JRIM u većem obimu i sukcesivne nabavke municije, imenovana rješenjem, broj 02/5-1-30-1-3590, od 18.06.2021. godine, iz zapisnika o pregledu i ocjeni ponuda, broj 02-11-4-5213-9, te se shodno rezultatima vrednovanja i rang listi prihvatljivih ponuda, nakon provedene elektronske aukcije 15.10.2021. godine, dodjeljuje ugovor ponuđaču “Shot” doo Zenica. Ukupna vrijednost ponude nakon provedene elektronske aukcije iznosi: 19.900,00 KM bez PDV-a, odnosno 23.283,00 KM sa PDV-om.

III

Po okončanju roka za žalbu, ugovorni organ će pozvati izabranog ponuđača radi zaključivanja ugovora, kojim će se regulisati međusobna prava i obaveze.

IV

Ova Odluka stupa na snagu danom donošenja.

O b r a z l o ž e n j e

Na osnovu, Odluke o nabavci, broj 02-11-4-5213-6, od 09.09.2021. godine i Obavještenja o nabavci, broj 16475-1-1-85-3-90/21, od 09.09.2021. godine, proveden je otvoreni postupak „Nabavka usluga policijske opreme (policijske kacige i baterijske lampe“.

Procijenjena vrijednost nabavke iznosi 23146,00 KM sa PDV-om.

Prema Zapisniku sa otvaranja ponuda od 27.09.2021. godine, za aktivno učešće u postupku, dostavljene su ponude od strane ponuđača KM Trade doo Visoko i Shot doo Zenica.

Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda, broj 02-11-4-5213-9/21 od 19.10.2021. godine, u kome je navela da ponude ponuđača KM Trade doo Visoko i Shot doo Zenica, ispunjavaju sve formalno-pravne, ekonomske i tehničke uslove i zadovoljavaju zahtjeve ugovornog organa, te su stekli pravo učešća u elektronskoj aukciji dana 15.10.2021. godine.

Nakon što je 15.10.2021. godine, sa početkom u 10,30 časova provedena elektronska aukcija, u skladu sa odredbama Pravilnika o uslovima i načinu provođenja e-aukcije (SG BiH, broj 66/16), Komisija je pristupila daljem pregledu i ocjeni ponuda, te shodno prethodno navedenom, u skladu sa utvrđenim kriterijumom najniža cijena prema izvještaju o provedenoj aukciji, dala preporuku o dodjeli ugovora ponuđaču Shot doo Zenica.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema obavještenja, a u skladu sa članom. 99. i 101. Zakona o javnim nabavkama.

POLICIJSKI KOMESAR
Generalni inspektor policije

Selimović Nusret

DOSTAVITI:

1. Komisiji
2. Ponuđačima
3. Odjeljenju za odnose s javnošću,
radi objave na web stranici ugov. organa
4. a/a